

西安碑林全集

開成石經

第一二五卷 周禮



儀各以其等爲車送逆之節
道僕掌馭象路以朝夕燕
出入其灋儀如齊車掌貳
車之政令
田僕掌馭田路以田以鄙
掌佐車之政設驅逆之車

令獲者植旌及獻比禽凡
田王提馬而走諸侯晉大
夫馳
馭夫掌馭貳車從車使車
分公馬而駕治之
校人掌王馬之政辨六馬

之屬種馬一物戎馬一物齊
馬一物道馬一物田馬一物
駑馬一物凡頒良馬而養乘
之乘馬一師四圉二乘為阜
阜一趣馬三阜為繫繫一馭
夫六繫為廐廐一僕夫六

廋成校校有左右駑馬二
良馬之數麗馬一圉八麗一
師八師一趣馬八趣馬一馭
夫天子十有二閑馬六種
邦國六閑馬四種家四閑馬
二種凡馬特居四之一春祭

馬祖執駒夏祭先牧頒馬
攻特秋祭馬社臧僕冬祭
馬步獻馬講馭夫凡大祭
祀朝覲會同毛馬而頒之飾
幣馬執朴而從之凡賓客
受其幣馬大喪飾遣車之

馬及葬埋之田獵則帥驅
逆之車凡將事于四海山川
則飾黃駒凡國之使者共
其幣馬凡軍事物馬而頒
之等馭夫之祿宮中之稍食
趣馬掌贊誼良馬而齊其

飲食備其六節掌駕說之
頒辨四時之居以聽馭夫
平馬掌養疾馬而乘治之
和醫而藥攻馬疾又財于
校人馬死則使其賈粥之
入其布于校人

牧師掌牧地皆有厲禁而
頒之孟春焚牧中春通淫
掌其政令凡田事贊焚萊
廋人掌十有二閑之政教
以阜馬佚特教駝攻駒及
祭馬祖祭閑之先牧及執

駒散馬耳圉馬正校人負
選馬八尺以上爲龍七尺
以上爲駉六尺以上爲馬
圉師掌教圉人養馬春除蓐
醫分廄始牧夏序馬冬獻馬
射則充楹質茨牆則翦鬣

圉人掌養馬芻牧之事以
役圉師凡賓客喪紀牽馬
而入陳廄馬亦如之
職方氏掌天下之圖以掌
天下之地辨其邦國都鄙
四夷八蠻七閩九貉五戎

六狄之人臣與其財用九
穀六畜之數要知其利
害乃辨九州之國使同貫
利東南曰揚州其山鎮曰會
稽其澤藪曰具區其川三
江其浸五湖其利金錫竹

箭其已二男五女其畜宜鳥
獸其穀宜稻正南曰荊州
其山鎮曰衡山其澤數曰
雲夢其川江漢其浸潁湛
其利丹銀齒革其已男二
女其畜宜鳥獸其穀宜稻

河南曰豫州其山鎮曰華
山其澤藪曰圃田其水滎
洛其浸波澆其利林漆絲
枲其民二男三女其畜宜
六擾其穀宜五種正東曰
青州其山鎮曰沂山其澤藪

曰望諸其川淮泗其浸沂
沐其利蒲魚其民男二女
其畜宜雞狗其穀宜稻麥
河東曰兗州其山鎮曰岱
山其澤藪曰大野其川河
沛其浸蘆維其利蒲魚其

良二男三女其畜宜六擾
其穀宜四種正西曰雍州
其山鎮曰嶽山其澤藪曰
弦蒲其川涇汭其浸渭洛
其利玉石其良二男二女其
畜宜牛馬其穀宜黍稷東

北曰幽州其山鎮曰醫無閭其澤數曰奚養其川河沛其浸菑時其利魚鹽其已一男三女其畜宜四擾其穀宜三種河內曰異州其山鎮曰霍山其澤數曰楊